


ESTATU BATUAK. Bahitzaileen inguruko informazioa izan arren, iraileko erasoak aurreikusten eta galarazten huts egin zuten FBI eta CIA agentziak erreformatu beharrean, 37 bilioi dolar kostatuko lukeen super-saila sortu nahi du Etxe Zuriak.



RON EDMONDS / AP

Tom Ridge Bushen hurbileko aliatua da erakunde berria zuzentzeko hautagai nagusia, hainbat iturrien arabera.

GEORGE W. BUSH

Estatu Batuetako presidentea

«Erakundeek lan bera bitan egitea saihestuta, gastuetarako gutxiago emango dugu, eta gehiago Amerika babesteko»

hingtoni 2001eko abuztuan atxilotu zuten Zacarias Moussaoui susmagarriaren ordenagailua aztertzeko. Moussaouik portaera bitxia izan zuen pilotu ikastaroetan, eta orain, eraso egitasmoko «20. bahitzailea» izatea leporatzen diote. FBIk Moussaouiren ordenagailua aztertzeko baimena ukatu zuen.

Kongresuaren ikerketa bultzatu zuten ezagutarazte gehiago etorri ziren. Alde batetik, pilotu ikasle arabiar susmagarrien berri eman zuen FBIk Phoenix hirian duen bulegoak, irailaren 11 baino askoz lehenago. FBIko egoitza nagusiak ez zuten erreakzionatu. Bestalde, aste honetako *Newsweek* aldizkariak CIAren hutsegitearen berri zabaldu du. Agentziak bahitzaileetako biren berri izan zuen urtetan, aldizkariaren arabera. Baina CIAk ez zion horren berri eman immigrazio aginte nazionalari, ezta FBIri ere. Aldizkariak argitaratutako erreportaiak CIAren eta FBIren arteko lehia erakusten du. FBIk berehala ikusi zuen CIA erasoaren erantzule bihurtzeko aukera, eta bere burua errugabe agertzen saiatu zen. Presidenteak esku hartu behar izan zuen, bi agentzien arteko ika-mika larriagotuta. «Argi dago biak ez zirela behar bezala komunikatu», esan zuen.

FBI eta CIA behar bezala erreformatu beharrean, Bushek Barne Segurtasun Departamentu super-saila sortu nahi du. Lehendakariaren iragarpena Etxe Zuriaren saiaketa argia da ekimena eta ekintzak eskatu eta bideratzeko, Kongresuko ikerketak noraino iritsiko diren inork ez dakien honetan.

Erakunde berriaren sorrerak ez du, seguruen, Kongresuan ondorio garrantzitsurik geldituko. Legebiltzarkideek denbora hartu nahi dute aldaketa egin arte irailaren 11ri buruzko informazio mordoa biltzeko. FBIko buru Robert Muellerrek berak esan du ezustekoak ere etorriko direla bitartean. Izan ere, oraindik 200 lekuko itaundu behar dituzte, eta 35.000 orri baino gehiago aztertu.

Barne segurtasunaz arduratuko den departamentu erraldoi bat eratuko duela esan du Bushek

Iragarpena FBIk eta CIAk izaniko hutsegiteen inguruko ikerketarekin batera etorri da

MaxBoehnel | NEW YORK

«Terroreaken aurkako borroka titanikoan» nazioa babesteko Barne Segurtasun Departamentua sortzeko dei egin zion Kongresuari George W. Bush Ameriketako Estatu Batuetako presidentea. Telebistan agertu zen Bush ostegun gauean Etxe Zuritik mintzatzen. Agentzia berria 37 bilioi dolar kostatuko litzateke, eta soilik Pentagonoa litzateke hura baino handiagoa. Bushek adierazi bezala, proposamena gobernu federalean izaniko berrantolaketa handiena litzateke, 1947. urteko Segurtasun Nazionaleko Legetik,

hau da, Defentsa Departamentua, Segurtasun Nazionaleko Kontseilua eta CIA sortu zituen ebazpenetik.

Urte amaierarako da indarrean jartzekoa departamentu berria. «Hainbat erakunde lan bera bitan egitea saihestuta, gastu orokorretarako gutxiago emango dugu, eta gehiago Amerika babesteko», esan zuen Bushek. Osteguna arte uko egin izan dio Etxe Zuriak departamentu baten tamainako barne segurtasun agentzia bat eratzeari. Hori egin beharrean, Barne Segurtasun Bulegoa sortu zuten irailaren 11z geroztik. Etxe Zuriaren barneko bulego gisa da-

bil eta Tom Ridge —Pennsylvania-ko gobernadore ohia eta Bushen hurbileko aliatua— du buru.

Ikerketa

Iritzi aldaketa —eta iragarpenaren data—, Etxe Zuriak estualdi batean denean etorri da. Kongresuak estu hartu du Etxe Zuriak azken egunotan, azal dezan irailaren 11ren aurretik eraso izango zela iragarri zuten oharrei zer dela eta ez zieten behar bezala erantzun presidentziak, FBIk eta CIAk. Aste honetan hasita, sekulako ikusmina sortu dute hedabideetan Senatuko batzorde juridiko batek eta inte-

ligentziako batzorde batek Legebiltzarrean. Galdera handiak honakoak dira: zer dela eta ez ziren gauza izan polizia federala eta CIA estatubatuarren segurtasuna bermatzeko, eta zergatik esan zuen gezurra Etxe Zuriak irailaren 11 baino lehen inork zantzurik ez zuela adieraztean?

Bushek iragarpena egin zuen egun berean, FBIrentzat lanean ari zen Minesotako Coleen Rowley Capitoll Hillen agertu zen zehatz-mehatz kontatzeko FBIko egoitza nagusiko buruek tokian tokiko agenteen txostenei muzin egiten zirela. Irailaren 11ren aurretik, FBIko agenteak baimena eskatu zion Was-